



# ben veñas maio 08/09



## CURSO 2008/09

### Bases xerais para todos os certames (agás o musical):

Poderá participar o alumnado matriculado nos institutos do concello de Pontevedra.

Cada participante poderá presentar cantas obras queira. E deberá achegar fotocopia de cada orixinal.

O alumnado participante non fará figurar o seu nome nas obras. Xunto con estas entregarán un sobre pechado cos seus datos persoais: nome, idade, enderezo, teléfono, curso e instituto no que estuda. No exterior figurará un lema, título ou pseudónimo do autor ou autora, o certame ao que se presenta e, se é o caso, a categoría na que participa.

O xurado que cualificará os traballos será designado pola Comisión Organizadora e só a el lle corresponde a interpretación das bases. O seu veredicto será inapelábel.

Todas as obras presentadas poderán ser reproducidas, expostas ou editadas.

Os traballos entregaranse dentro de cadanseu sobre especificando o certame e, cando proceda, a categoría, nos departamentos de Lingua e Literatura Galegas ou aos membros dos Equipos de Dinamización e Normalización Lingüística dos institutos.

O prazo de admisión de traballos remata o luns 20 de abril de 2009.

O anuncio do veredicto do xurado e a entrega de premios realizaranse ao remate do certame musical "Ben Veñas, Maio" do sábado, 16 de maio de 2009.

Ademais dos premios establecidos o xurado poderá outorgar cantos accésitos considere oportunos. Os accésitos consistirán en cadanseu lote de libros.

### Bases específicas:

#### VIII CERTAME DE FOTOGRAFÍA "BEN VEÑAS, MAIO"

As fotografías deberán recoller algunha imaxe que represente un uso anómalo ou curioso da lingua galega en rótulos, pancartas, faixas publicitarias, pintadas, indicadores, etc.

Cada fotografía achegarase cun comentario en galego que xustifique o interese da imaxe obtida, así como o lugar e a data de obtención.

A técnica fotográfica e o tamaño serán libres.

Os premios serán os seguintes:

Primeiro premio: 150 € e lote de libros  
Segundo premio: 75 € e lote de libros

#### XVI CERTAME DE BANDA DESEÑADA "BEN VEÑAS, MAIO"

As obras serán orixinais e inéditas. O tema será libre e, de haber textos, estes serán en lingua galega.

Poderá utilizarse calquera técnica, mais só en branco e negro. O formato será DIN-A4 ou ampliacións ou reducións proporcionais.

A extensión será de dúas páxinas como mínimo e de seis como máximo.

Deberán presentarse orixinal e fotocopia de cada unha das obras.

Estabelécense dúas categorías:

a) Ata 14 anos inclusive  
b) A partir de 15 anos

Os premios serán os seguintes:

Primeiro premio: 150 € e lote de libros  
Segundo premio: 75 € e lote de libros

#### XVI CERTAME DE NARRACIÓN CURTA "BEN VEÑAS, MAIO"

O tema das narracións será libre. As obras deberán estar escritas en lingua galega e ser absolutamente orixinais e inéditas; terán unha extensión mínima de dous folios e máxima de seis, mecanografados a dobre espazo por unha soa cara e con letra Times New Roman do tamaño 12.

Os participantes entregarán dúas copias de cada obra.

Estabelécense dúas categorías:

a) Ata 14 anos inclusive  
b) A partir de 15 anos

Os premios serán os seguintes:

Primeiro premio: 150 € e lote de libros  
Segundo premio: 75 € e lote de libros

#### VIII CERTAME DE POESÍA "BEN VEÑAS, MAIO"

O tema dos poemas será libre e no tocante á extensión establécense un máximo de trinta versos.

As obras serán orixinais e inéditas, escritas en lingua galega e mecanografadas a dobre espazo por unha soa cara e con letra Times New Roman do tamaño 12.

Estabelécense dúas categorías:

a) Ata 14 anos inclusive  
b) A partir de 15 anos

Os premios serán os seguintes:

Primeiro premio: 150 € e lote de libros  
Segundo premio: 75 € e lote de libros

#### X CERTAME MUSICAL "BEN VEÑAS, MAIO"

Poderán participar todos os grupos musicais e/ou solistas sempre que a maioría dos seus compoñentes estean matriculados/as nalgún instituto de Pontevedra. Ningunha persoa poderá participar en máis dun grupo.

Cada grupo ou solista interpretará dúas pezas orixinais, en calquera estilo musical, de xeito que as súas letras se axusten ás condicións seguintes: o texto da primeira peza será un poema de autoría propia; o texto da segunda peza será dun poeta ou dunha poetisa con obra en galego. En ambos os dous casos, os textos deben ser en galego. Asemade, a presentación do grupo e das cancións, ao igual que calquera tipo de manifestación de carácter oral dirixida ao público deberá facerse en lingua galega.

Os textos das cancións deberán ser entregados á Comisión Organizadora unha semana antes da celebración do concurso.

As inscricións dos/as participantes faranse diante dos profesores/as que coordinen o ENDL de cada centro. O prazo rematará o día 20 de abril.

A celebración do certame será o 16 de maio, sábado, no Pazo da Cultura e a hora de comezo anunciarase oportunamente. O acto será público.

A coordinadora dos ENDL nomeará un xurado que decidirá os tres primeiros grupos ou solistas clasificados que recibirán os seguintes premios:

Primeiro premio: 400 € e diploma  
Segundo premio: 350 € e diploma  
Terceiro premio: 150 € e diploma

O anuncio do veredicto do xurado e a entrega dos premios realizaranse ao remate do propio certame.

A interpretación destas bases correspóndelle ao xurado. O seu veredicto será inapelábel.

#### XV SEMANA TEATRAL "BEN VEÑAS, MAIO"

Mostra do traballo realizado ao longo do curso polos grupos teatrais dos diferentes institutos. Este certame desenvolverase durante os días 13, 14 e 15 de maio no Teatro Principal e segundo un programa que se anunciará previamente nos propios centros.



CONCELLO DE  
PONTEVEDRA  
Concellaría de Normalización Lingüística

Coordinadora de Equipos de Dinamización e Normalización Lingüística (IES de Pontevedra)